



Broj: 16-12-16-3818- <sup>33</sup> /24  
I. Sarajevo, ~~22~~ 2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tač. a) i d), člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14 i 59/22), na preporuku Komisije za nabavke za potrebe Državne agencije za istrage i zaštitu u 2024. godini broj 16-12-16-3818/24 od 11.06.2024. godine, u postupku javne nabavke usluga fiksne telefonije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

## **O D L U K U**

o poništenju postupka javne nabavke usluga fiksne telefonije za potrebe  
Državne agencije za istrage i zaštitu za LOT 3 i LOT 5

### Član 1.

Poništava se postupak javne nabavke usluga fiksne telefonije za potrebe Državne agencije za istrage i zaštitu (u daljem tekstu: Agencija) za LOT 3 - Nabavka usluge fiksne telefonije u Regionalnoj kancelariji Banja Luka i LOT 5- Nabavka usluge fiksne telefonije u Regionalnoj kancelariji Mostar, za koji je obavještenje o javnoj nabavci broj 1161-1-2-115-3-53/24 objavljeno na Portalu javnih nabavki od 08.05.2024. godine i u „Službenom glasniku BiH“, broj 34/24, iz razloga što je za LOT 3 dostavljena ponuda koja nije prihvatljiva, a za LOT 5 nije dostavljena nijedna ponuda u određenom krajnjem roku.

### Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

### Član 3.

Za izvršenje ove odluke zadužuje se Sektor za materijalno-finansijske poslove Agencije.

### Član 4.

Ova odluka stupa na snagu danom donošenja.

## **O b r a z l o ž e n j e**

Odlukom broj 16-12-16-3818-1/24 od 03.05.2024. godine pokrenut je postupak javne nabavke usluga fiksne telefonije za potrebe Agencije, procijenjene vrijednosti 128.000,00 KM bez uračunatog PDV-a, za koji je obavještenje o javnoj nabavci broj 1161-1-2-115-3-53/24 objavljeno na Portalu javnih nabavki od 08.05.2024. godine i u „Službenom glasniku BiH“,

broj 34/24. Novčana sredstva za realizaciju nabavke obezbijedena su u okviru budžetskih sredstava za 2024. godinu, a na osnovu Instrukcije o privremenom finansiranju institucija Bosne i Hercegovine za period april-juni 2024. godine broj 05-02-2-2499-1/24 od 26.03.2024. godine i Dokumenta okvirnog budžeta 2024. - 2026. godina. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Predmet javne nabavke podijeljen je na lotove:

- LOT 1 - Nabavka usluge fiksne telefonije u sjedištu Agencije u Istočnom Sarajevu, procijenjene vrijednosti u iznosu od 80.000,00 KM bez uračunatog PDV-a;

- LOT 2 - Nabavka usluge fiksne telefonije van sjedišta Agencije u Istočnom Sarajevu, procijenjene vrijednosti u iznosu od 12.000,00 KM bez uračunatog PDV-a;

- LOT 3 - Nabavka usluge fiksne telefonije u Regionalnoj kancelariji Banja Luka, procijenjene vrijednosti u iznosu od 12.000,00 KM bez uračunatog PDV-a;

- LOT 4 - Nabavka usluge fiksne telefonije u Regionalnoj kancelariji Tuzla, procijenjene vrijednosti u iznosu od 12.000,00 KM bez uračunatog PDV-a;

- LOT 5 - Nabavka usluge fiksne telefonije u Regionalnoj kancelariji Mostar, procijenjene vrijednosti u iznosu od 12.000,00 KM bez uračunatog PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 30.05.2024. godine do 12,00 sati, te da se ponude dostavljaju u zatvorenoj koverti, Komisija je dana 30.05.2024. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju prisustvovao je ovlašteni predstavnik ponuđača „MTEL“ a.d. Banja Luka.

Blagovremeno su dostavljene ukupno četiri ponude i to:

R/B	Naziv/ime ponuđača	LOT	Ponuđena cijena (bez PDV-a) u KM
1.	„BLICNET“ d.o.o. Banja Luka	LOT 3	11.955,20
2.	„MTEL“ a.d. Banja Luka	LOT 1	79.995,60
3.	„MTEL“ a.d. Banja Luka	LOT 2	11.196,72
4.	„BH Telecom“ d.d. Sarajevo	LOT 4	11.701,08

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je u roku od tri dana dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Uvidom u dostavljene ponude, Komisija je utvrdila da za LOT 5 - Nabavka usluge fiksne telefonije u Regionalnoj kancelariji Mostar, nije dostavljena nijedna ponuda u određenom krajnjem roku.

Komisija je utvrdila da ponuda ponuđača „BLICNET“ d.o.o. Banja Luka za LOT 3 nije prihvatljiva odnosno ne ispunjava kvalifikacione uslove iz tačke 13.2. Tenderske dokumentacije. Uvidom u ponudu ponuđača „BLICNET“ d.o.o. Banja Luka Komisija je utvrdila da navedeni ponuđač nije dostavio dokaz iz tačke 13.2. Tenderske dokumentacije (Ekonomska i finansijska sposobnost, član 47. Zakona) odnosno potvrdu - izvještaj o računima pravne osobe iz Jedinstvenog registra transakcijskih računa u Bosni i Hercegovini izdat od strane Centralne banke Bosne i Hercegovine ili potvrdu izdatu od strane poslovne, komercijalne banke certificirane za izdavanje takve potvrde-izvještaja isključivo na obrascu Centralne banke Bosne i Hercegovine da računi ponuđača nisu blokirani ili ekvivalentan dokument ako se radi o ponuđaču iz inostranstva.

Dana 04.06.2024. godine u 10:15 h ponuđač „BLICNET“ d.o.o. Banja Luka dostavio je naknadno dokumentaciju-dokaz iz člana 47. Zakona, koju Komisija nije prihvatila, imajući u vidu da je ponuđač svoju ponudu mogao izmijeniti, dopuniti ili od nje odustati samo prije isteka roka za dostavu ponude u skladu sa članom 57. stav (2) Zakona.

Imajući u vidu naprijed navedeno, Komisija ponudu ponuđača ponuđača „BLICNET“ d.o.o. Banja Luka, nije uzela u dalje razmatranje.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se poništi postupak javne nabavke za LOT 3 i LOT 5, u skladu sa odredbom člana 69. stav (2) tač. a) i d) Zakona, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

D I R E K T O R  
GLAVNI GENERALNI INSPEKTOR POLICIJE

  
Darko Čulum